



UKA 2018/158
8. november 2018
Aqqaluk Heilmann

Meeqqat inuusuttuaqqallu angerlarsimaffiup avataanut inissinneqarsimasut inersimasunut ikaarsaarneranni ilisimasat tunngavigalugit periusissiamik UKA 2019-imi saqqummiussaqaarnissaannik Naalakkersuisut pisussaaffilerneqaarnissaannik Inatsisatut aalajangivigisassaattut siunnersuut.

(Inatsisartunut ilaasortaq Mikivsuk Thomassen, Inuit Ataqtigiit)

Atassummiit qujarusuppugut siunnersuuteqartumut, meeqqat inuusuttuaqqallu angerlarsimaffiup avataanut inissinneqarsimasut 18-leereersimanerup kingorna malittarineqarnerat pillugu siunnersuuteqarmat.

Inuk kinaluunniit inuiaqatigiinni akuulluarluni, suleqataalluni, imminullu pilersornissaminut periarfissagissaartariaqarpoq. Meeqqallu ilungersunartumik aqqusaagaqarsimasut ikorfartortariaqarpagut pitsaasumik inuunermik ingerlatsilluarsinnaaqqullugit, ulloq unnuarlu angerlarsimaffimmi najugaqareernerup kingorna.

Taamaattorlu Atassummiit taperserusupparput ilitsersuusiarineqarsimasumut 2019-mi naammassisassamut ilanngullugu, meeqqat inuusuttuaqqallu inersimasunut ikaarsaariarnerat pillugu suliaqartoqaarnissaa ilalerusupparput.